

Мақтаб битирувчиларининг институтимизга саёҳати

Ўзбекистон Республикаси Президентининг 2021 йил 20 апрелдаги “Ёшларнинг тадбиркорлик фаолиятини қўллаб-қувватлаш ва бандлигига қўмаклашиш, уларни ижтимоий ҳимоя қилиш ҳамда бўш вақтини мазмунли ташкил этишга оид қўшимча чора-тадбирлар тўғрисида”ги ПФ-6208 сон фармони ижросини таъминлаш мақсадида институтимизга бириктирилган Тошкент шаҳар Мирзо Улуғбек тумани маҳаллалари ва умумтаълим мактаблари билан ёшларнинг тадбиркорлик фаолиятини қўллаб-қувватлаш ва бандлигига қўмаклашиш, уларни ижтимоий ҳимоя қилиш ҳамда бўш вақтини мазмунли ташкил этишга қаратилган бир қатор тадбирлар амалга оширилиб келинмоқда.



Бугун Тошкент шаҳар Мирзо Улуғбек тумани “Асака” маҳалласида жойлашган 18-ўрта таълим мактаб битирувчи синф ўқувчилари ўзларига келажак учун касб танлаш ҳамда нуфузли олий таълим муассасалари билан яқиндан танишиш мақсадида институтимизга ташриф буюришди. Мақтаб ўқувчилари ва ўқитувчиларни факультет декани Ш.Нарбаев институтимиз билан таништирди. Мақтаб битирувчиларининг институт бўйлаб экскурсияси ректорат биноти ва Маданият саройидан бошланди. Сўнгра, адиб Абдулла Орипов музейи, институт ахборот ресурс марказига ташриф буюришди. Ўқувчиларни АРМ директори М.Ахмедова мавжуд адабиётлар, электрон ресурслар тўғрисида таништириб ўтди.



Мақтаб ўқувчилари институтнинг “Д” ва “Е” ўқув лабораториялари билан ҳам таништирилди. Саёҳат мобайнида Абдулла Орипов боғи ҳамда Жисмоний тарбия ва спорт комплексига ҳам экскурсия қилишди. Ушбу спорт комплексида яратилган шароитлар ўқувчи ёшларга жуда ёқди, уларни институтда ташкил этилган спорт тўғаракларида қатнашишни сўрашди. Шундан сўнг саёҳат “Ер ресурсларини бошқариш” факультети ўқув биноти, ўқув заллари, маърузалар заллари, компьютер хоналари билан ҳам таништирилди.



Мақтаб ўқувчиларига институт ҳақида видеоролик намойиш этилди. Йиғилганларга “Ердан фойдаланиш” кафедраси доценти А.Бобожонов ва доцент Қ.Рахмоновлар ўқувчиларни институт фаолияти, таълим йўналишлари, талабалар учун яратилган шарт-шароитлар билан таништиришди. Институтимизга бириктирилган мактаблар билан ҳамкорликда ўқувчилар учун махсус очиқ дарслар ташкил этиш, уларни касбга йўналтириш ҳамда ёшларнинг бўш вақтларини мазмунли ўтказишни ташкил этиш масалалари ҳақида суҳбат ўтказилди. Ўқувчилар ўзларининг қизиқтирган саволларга мутахассислар томонидан жавоблар олишди. Ушбу экскурсиядан мамнунлиги, уларга жуда манзур бўлганликлари, мактаб ўқувчилари институтимиз таълим йўналишларида ўқишга бўлган қизиқишлари ҳақида фикрларини билдиришди.

ЕРБ факультети

Ёшлар билан ишлаш бўйича декан муовини Ҳуррият Эшова ахбороти

ТИҚХММИ матбуот хизмати